

543



Broj: 10-05-17091/15
Sarajevo, 06.07.2015.godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na poslaničko pitanje

Zastupnik Ismir Jusko na Četvrtoj Radnoj sjednici Skupštine Kantona Sarajevo, održanoj dana 17.06.2015. godine, u okviru tačke Dnevnog reda, „Poslanička pitanja inicijative i odgovori“, a u skladu sa Poslovníkom Skupštine Kantona Sarajevo postavio je **zastupničko pitanje**:

"Obzirom da je prošlo skoro dva mjeseca, niti jedna služba (JU javno zdravstvo, Kantonalna uprava za inspeksijske poslove, resorno ministarstvo - Ministarstvo za obrazovanje, nauku i mlade) se nije oglasilo sa nalazima o trovanju djece u vrtićima. Svi su svašta obećali, ali roditelji otrovane djece nemaju još uvijek nikakav odgovor, te tražimo zvaničan stav i nalaz od Zavoda za javno zdravstvo koji se još nikada nisu oglasili, niti je 100% potvrđeno od čega su se djeca zarazila salmonelom.

Zahitjevi roditelja čija su djeca otrovana :

1. Da vlada formira komisiju u čijem sastavu će biti i predstavnici vrtića ili po jedan roditelj koji će utvrditi sve činjenice koje su dovele do trovanja djece i predočiti ih javnosti?
2. Da se utvrdi tačan broj oboljele djece, jer mnoga nisu bila u bolnici i zvaničnog podatka nigdje nema?
3. Da se utvrdi kako je moguće da se u zahitjevima iz tenderske dokumentacije ne traži dozvola za promet namirnica životinjskog porijekla?
4. Da JU „Djeca Sarajeva“ raskine ugovor sa firmom Gold mignon?
5. Da se objavi ko je proizvođač zaraženog proizvoda (pavlake) i da se utvrdi i njihova odgovornost?
6. Tražimo umanjenje za čitav juni mjesec, kod većine djece je nakon prve kontrole, stolica i dalje pozitivna na salmonelu, naravno ta djeca i dalje ne mogu ići u vrtić, a u računovodstvu traže da platimo čitav mjesec. Moguće je umanjenje samo 2 KM po danu, roditelji su ogorčeni."

U vezi sa postavljenim zastupničkim pitanjem dostavljamo slijedeći:

ODGOVOR

Ministrica zdravstva Kantona Sarajevo je dana 27.04.2015. godine proglasila epidemiju zaraznog trovanja hranom, u skladu sa članom 6. stav. 2. Zakona o zaštiti stanovništva od zaraznih bolesti („Službene novine Federacije BiH“, broj 29/05), uz prethodnu saglasnost Federalnog ministra



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



zdravstva broj 01-37-2772-1/15 od 27.04.2015 godine, uz pribavljeno Stručno mišljenje Zavoda za javno zdravstvo Federacije Bosne i Hercegovine.

Na prijedlog za odjavu epidemije od strane Zavoda za javno zdravstvo Kantona Sarajevo, Ministrica zdravstva Kantona Sarajevo proglasila je prestanak epidemije zaraznog trovanja hranom na području Kantona Sarajevo zaključno sa 08.05.2015. godine.

I prijava i odjava epidemije dati su na objavu u Službenim novinama Federacije BiH, a u skladu sa odredbama člana 7. pomenutog Zakona.

U prilogu dostavljamo odgovor na postavljano zastupničko pitanje od strane JU Zavod za javno zdravstvo Kantona Sarajevo.



MINISTRICA

Emira Tanović-Mikulec
Prim.dr Emira Tanović-Mikulec



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

